

Рамазон ойига муносиб тайёргарлик масалалари мұхокама қилинди



09:21 / 10.03.2022 1243

Жорий йилнинг 9 март куни Ўзбекистон мусулмонлари идораси раиси, муфтий Нуриддин домла ҳазратлари ташабbusлари билан Рамазон оида ўқиладиган хатми Қуръоннинг савиясини янада яхшилаш мақсадида, Ўзбекистон мусулмонлари идорасининг «Қуръон ва тажвидни ўргатиш» бўлимида ҳайъат аъзолари тузилди ва бир қатор масалалар кўриб чиқилди.

Йиғилишда Рамазон оида бутун Республика бўйлаб хатмонада турадиган қориларни қайта назоратдан ўтказиш, уларни қироатига устоз қорилар томонидан янада кўпроқ эътибор қаратиш кераклиги ҳақида тавсиялар берилди.

Ушбу йиғилишда, «Убай ибн Каъб» жомеъ масжиди имом-хатиби ва «Qur'on TV» илмий-маърифий онлайн телеканалини раҳбари Абдулҳаким қори Матқулов, Ўзбекистон халқаро ислом академияси фахрий доктори, Ўзбекистон мусулмонлари идораси «Қуръон ва тажвидни ўргатиш» бўлими мудири шайх Алижон қори Файзуллоҳ Маҳдум ўғли, Ўзбекистон мусулмонлари идораси «Қуръон ва тажвидни ўргатиш» бўлими мудири ўринбосари ва Ўзбекистон халқаро ислом академияси фахрий доктори Аброр Мухтор Алий, Қуръон ҳофизи Абдулбосит қори Абдуллажонов, «Шайх Муҳаммад Содик Муҳаммад Юсуф» жомеъ масжиди имом-ноиби, Қуръон ходими Ҳасанхон Яҳё Абдулмажид ва бошқа устоз қорилар иштирок

ЭТИШДИ.